





晉左九嬪武帝納皇后頌

咸寧二年



峨峨華嶽峻極泰清巨靈導流河瀆是經推瀆之神惟  
嶽之靈鍾于楊族載育盛明穆穆我后應期挺生含聰  
履詰岐嶷夙成如蘭之茂如玉之瑩越在幼沖休有令  
名飛聲八極翕習紫庭超妊邈姑比德皇英京室是嘉  
備禮致聘令月吉辰百僚奉迎周生歸韓詩人是詠我  
后戾至車服暉映登位太微明德日盛羣黎欣戴南夏  
同慶翼翼聖皇叡詰孔純愍茲狂戾闡惠播仁蠲釁滌  
穢與時惟新沛然洪赦恩詔遐震后之踐祚囹圄虛陳

文一

頌

三

萬國齊歡六合同欣坤神抃舞天人載悅興瑞降祥表  
精日月和氣烟煜三光朗烈既獲嘉時尋播甘雪玄雲  
掩藹靈液霏霏既儲既積待陽而晞瞻睨沾濡柔潤中  
畿長亨豐年福祿永綏

晉書左貴嬪傳  
載文類聚十五

晉左九嬪德柔頌

邈邈德柔越天之剛神已知來智已知藏往含純溥生允  
矣君子展也大成執德純粹岳峻川停履行高厲蕩乎  
其平敦興聖道率正不傾令問不已載路厥聲

載文類聚二十

晉左九嬪鬱金頌

伊此奇草名曰鬱金越自殊域厥珍來尋芬香酷烈悅  
目欣心明德惟馨淑人是欽窈窕妃媛服之襍衿永重  
名實曠世弗沈

藝文類聚  
八十一

晉辛蕭芍藥花頌

曄曄芍藥植此前庭晨潤甘露晝晞陽靈曾不踰時荏  
苒繁茂綠葉青葱應期吐秀細蕊攢挺素華菲敷光譬  
朝日色豔芙蕖媛人是採呂廁金翠發彼妖容增此婉  
媚惟昔風人抗茲榮華聊用興思染翰作歌

藝文類聚  
八十一

文一

頌

十四

晉辛蕭菊花頌

英英麗草稟氣靈和春茂翠葉秋曜金華布濩高原蔓  
衍陵阿陽芳吐馥載芬載葩爰採爰拾投之醕酒御于  
王公呂介詹壽服之延年佩之黃耆文園賓客乃用不

朽藝文類聚  
八十一

晉辛蕭燕頌

翩翩玄鳥載飛載揚頡頏庭宇遂集我堂銜泥啄草造  
作室房避彼湫隘處此高涼孕育五子靡夭靡傷羽翼  
既就縱心翱翔顧影逸豫其樂難忘

藝文類聚  
九十二

晉陳瑋正旦獻椒花頌

旋穹御覽作璇穹周迴三朝肇建青陽散暉澄景載煥美哉

晉書作標美書鈔作美彼靈葩爰采爰獻聖容暎之永萬於萬藝文類聚

四又八十九晉書列女傳北堂書鈔一百五十五初學記四御覽二十九又九百五十八

晉陳瑋五時畫扇頌

炎后飛軌引曜丹達蕤賓應律融精協曦五象列位品

物已垂兌降素獸震升青螭日月澄暉仙章來儀仰懋

翠巖俯映蘭池靈柯幽藹神卉參差如山之壽如松之

猗永錫難老與時推移藝文類聚六十九初學記二十五

文一

五

晉王劭之姜嫄頌

英英姜嫄實德之純肇承靈瑞武敏是遵誕育岐嶷毗

贊皇綸播殖之訓萬葉攸循

晉王劭之啟母塗山頌

塗山靜居玄郎悟幾大禹至公過門不歸明此道訓孩

胤是綏仁哲已成永繫天暉藝文類聚十五

晉左九嬪虞舜二妃贊

妙矣二妃體應靈符奉嬪于媯光此有虞沈湘示教靈

德永敷惟斯美善諒無泯乎藝文類聚十五初學記十

晉左九嬪周宣王姜后贊

昭昭宣王克復前制疊疊姜后乃激乃厲執心至公曰

恢明世藝文類聚十五

晉左九嬪班婕妤贊

恂恂班女恭讓謙虛辭輦進賢辯祝理誣形圖丹青名

侔樊虞

文一 贊

六

晉左九嬪孟軻母贊

鄒母善導三徙成教鄰止庠序俎豆是效斷織激子廣

曰墳奧聰達知禮敷述聖道

晉左九嬪狂接輿妻贊

接輿高潔懷道行謠妻亦冰清同味玄昭遺俗榮津志

遠神遼

晉左九嬪荆武王夫人鄧曼贊

天道惡盈極數則微邈哉鄧曼心曠禍幾覩兆歎亡考

德知衰賢智卓殊邈哉難追

晉左九嬪齊杞梁妻贊

遭命不改逢時險屯夫卒莒場郊弔不賓哀崩高城訴  
情穹旻遂赴淄川託軀清津

晉左九嬪齊義繼母贊

聖教玄化禮貴信誠至哉繼母行合典經不遺宿諾義  
割私情表德來裔垂則後生

晉左九嬪魯敬姜贊

邈矣敬姜含德之英於行則高於禮斯明垂訓子宗厲  
發奇聲宣尼三歎萬代遺馨已上並藝文類聚十八

文一

贊

七

晉左九嬪巢父惠妃贊

泱泱長流沔沔清波思文集惠載詠載歌垂綸一壑萬  
象匪多神乎暘矣緬同基阿藝文類聚三十六

晉左九嬪德剛贊

温温德剛實秉道純履此聖義體此敦仁篤物博好靡  
疏靡親九族懷附邦邑望塵貴實賤華尚素安貧雖在

崇高必若平民匪道之崇譬之生民衰飾之譽謂之謗

身惟義是存惟導是遵藝文類聚二十一

晉左九嬪納楊后贊

清和協極二儀降靈啟茲揚族仁哲誕生徽晉內發有  
馥其馨玄符表運作合聖明文定厥祥考卜惟貞良辰  
納幣三光清明元公執摯嘉禮告成卿士庶僚爛其充  
庭赫赫華宗奕世載榮謙光其尊在滿戒盈受茲介福

垂祚益齡

藝文類聚十六

晉謝道韞論語贊

衛靈公問陳於孔子孔子對曰俎豆之事則嘗聞之軍  
旅之事未之學也庶則大矣比德中庸斯言之善莫不  
歸宗麤者乖本妙極令終嗟我懷矣興言攸同孔子曰

文一

贊

六

民之於仁也甚于水火水火吾見蹈而死者未見蹈仁  
而死者矣

藝文類聚五十五

晉孫瓊公孫夫人序贊

夫人姓公孫氏會稽剡人也夫人資三靈之清懿誕華  
宗之澄粹奇朗照于韶龔四教成于弱笄慈恩溫恭行  
有秋霜之潔祇心制節性同青春之和敦悅憲章動遵  
禮規居室則道齊師氏有行則德配女儀禮服有盈籩  
豆無闕猗歟夫人天姿特挺行高冰潔操與霜整性揚  
蘭芳德振玉穎猗彼瓊林奇翰有集展彼碩媛令德來  
綺動與禮遊靜曰義立

藝文類  
聚十八

文一

序贊

九

晉王劭之靈壽杖銘

籊籊鮮榦秀彼崇嶸下澤蘭液上瑩芳霄貞勁內固鮮  
粲外昭耀質靈蒼作珍華朝杖之身安越齡松喬類聚

六十  
九

文一

銘

三

晉左九嬪元皇后誄并上表

伏惟聖善宣慈仁洽六宮含弘光大德潤四海委聞之前志卑不誄尊少不誄長楊雄臣也而誄漢后班固子也而誄其父皆已述揚景仁顯之竹帛豈所謂三代不同禮隨時而作者乎

藝文類聚十五

惟泰始十年秋七月丙寅晉元皇后楊氏崩嗚呼哀哉昔有莘適殷姜娼歸周宣德中闡徽音永流樊衛二姬匡齊翼楚馬鄧兩妃亦毗漢主峨峨元后光嬪晉宇伉儷聖皇比蹤往古遭命不永背陽卽陰六宮號咷四海

文一 誄

三

慟心嗟余鄙妾銜恩特深追慕三良甘心自沈何用存思不忘德音何用紀述託辭翰林乃詐誄曰

赫赫元后出自有楊奕世朱輪耀彼華陽惟嶽降神顯茲禎祥篤生英媛休有烈光含靈握文異于庶姜和暘春日操厲秋霜疾彼攸遂敦此義方率由四教匪怠

藝文

類聚作容德

匪荒行周六親徽音顯揚顯揚伊何京室是臧

乃娉乃納聿嬪聖皇正位閨闈惟德是將鳴珮有節發言有章仰觀列圖俯覽篇籍顧問女史咨詢竹帛思媚皇姑虔恭朝夕允釐中饋執事有恪于禮斯勞于敬斯

勤雖曰齊聖邁德日新日新伊何克廣弘仁終溫且惠  
帝妹是親經緯六宮罔不彌綸羣妾惟仰譬彼北辰亦  
既青陽鳴鳩告時躬執桑曲率導媵姬脩成蠶簇分繭  
理絲女工是察祭服是治祇奉宗廟永言孝思于彼六  
行靡不蹈之皇英佐舜塗山翼禹惟衛惟樊二霸是輔  
明明我后異世同軌亦能有亂謀及天府內敷陰教外  
毗陽化綢繆庶正密勿夙夜恩從風翔澤隨雨播中外  
禔福遐邇邇詠歌天祚貞吉克昌克繁則百斯慶育聖育  
賢教踰妊妣訓邁姜嫄堂堂太子惟國之元濟濟南陽

文一 誄

三

爲屏爲藩本支菴藹四海蔭焉微斯皇妣孰茲克臻曰  
乾蓋聰曰聖允誠積善之堂五福所并宜高年匪隕  
匪傾如彭之齒如聃之齡云胡不造于茲禍殃寢疾彌  
留寤寐不康巫咸騁術扁鵲奏方祈禱無應嘗藥無良  
形神既離載昏載荒奄忽崩殂湮精滅光哀哀太子南  
陽繁昌攀援不寐擗踴摧傷嗚呼哀哉闔宮號咷宇內  
震驚奔者填衢赴者塞庭哀慟雷駭流涕雨零獻歎不  
已若喪所生惟帝與后契濶在昔比翼白屋雙飛紫閣  
悼后傷後早卽窀穸言斯既及涕泗隕落追維我后實

聰實哲通于性命達于儉節送終之禮比素上世穉無  
珍寶含無明月潛輝梓宮永背昭晰臣妾哀號同此斷  
絕庭宇遏密幽室增陰空設帷帳虛置衣裳人亦有言  
神道難尋悠悠精爽豈浮豈沉豐奠日陳冀魂之臨孰  
云元后不聞其音乃議景行景行已溢乃考龜筮龜筮  
襲吉爰定宅兆克成玄室魂之往矣于曰今日仲秋之  
晨啟明始出星陳夙駕靈輿結駟其輿伊何金根玉箱  
其駟伊何二駱雙黃習習容車朱服丹章隱隱轎軒弁  
絳總裳華轂曜野素蓋被原方相仡仡旌旒翻翻輓童

文一

誄

三

引歌白驥鳴轅觀者夾塗士女涕漣干乘萬騎迄彼峻  
山峻山峨峨層阜重阿弘高顯敞據洛背河左瞻皇姑  
右睇帝家惟存揆亡明神所嘉諸姑姊妹媵御追  
送塵軌號咷衢路王侯卿士雲會星布羣官庶僚縞蓋  
無數咨嗟通夜東方云曙百祗奉迎我后安厝中外俱  
臨同哀竝慕涕如連雲淚如湛露局闔既闔窈窕冥冥  
有夜無晝曷用其明不封不樹山坂同形昔后之崩大  
火西流寒往暑過今亦孟秋自我銜恤儻忽一周衣服  
將變痛心若抽逼彼禮制惟曰增憂去此素衣結戀靈

正有始有終天地之經自非三光

藝文類聚作昧

誰能不零存

播令德沒圖丹青先哲之志曰此爲榮溫溫元后實宣  
慈焉撫育羣生恩惠滋焉遺愛不已永見思焉懸名日  
月垂萬春焉嗚呼庶妾感四時焉言思言慕涕漣而焉

晉書左貴嬪傳  
藝文類聚十五

晉左九嬪萬年公主誄

昔滿衣早智周晉夙成咸曰岐嶷名存典經猗歎公主  
在幼剋哲方德比齒有邈先烈何德之盛而年或闕何  
華之繁而實不結雨墜風逝形影長滅赫赫京室河洛

文一

誄

誄

所經陰精發曜降茲淑靈篤生公主誕膺休禎秀出紫  
微日暉月明旣睇豔姿徽音孔昭盼蒨其媚婉曼其嬌  
寵玩軒陛如瓊如瑤雖則弱齒雙德兼苞五福所集聞  
之先民積善鍾慶祐德輔仁宜終淑美光暉日新云何  
降戾景命不振曄曄榮曜芳蕤始芳何辜於天猥遇降  
霜瑩瑩稚魂飄飄遐翔於戲何辜痛茲不福生而何晚  
歿而何速酷矣皇靈謬哉司祿嗚呼哀哉日月載馳白  
露凝結自主薨徂奄離時節吉凶乖邈存亡異制將遷  
幽都潛神永翳嗚呼公主魂豈是綏岌岌靈輻駿駟駢

駢挽僮齊唱悲音激摧士女歔歔高風增哀一日不見  
采蕭作歌況我公主形滅體訛精靈遷逝幽此中阿言  
思言念涕淚滂沱嗚呼哀哉

藝文類聚十六  
又初學記十

文一

謙

五

晉袁宏妻李氏弔嵇中散文

宣尼有言曰惟仁者能好人能惡人自非賢智之流不可曰褒貶明德擬議英哲矣故彼嵇中散之爲人可謂命世之傑矣觀其德行奇偉風韻劬邈有似明月之映幽夜清風之過松林也若夫呂安者嵇子之良友也鍾會者天下之惡人也良友不可曰不明明之而理全惡人不可曰不拒拒之而道顯夜光非與魚目比映三秀難與朝華爭榮故布鼓自嫌于雷門礫石有忌于琳琅矣嗟乎道之喪也雖智周萬物不能違顛沛之難故存

文一

弔文

三

其心者不曰一眚累懷檢乎迹者必曰纖芥爲事慨達人之獲譏悼高範之莫全凌清風曰三歎撫茲子而悵焉聞先覺之高唱理極滯其必宣侯千載之大聖期五百之名賢聊寄憤于斯章思慷慨而炫然

御覽五百九十六

梁劉令嫺祭夫文

維梁大同五年新婦謹薦少牢于徐府君之靈曰惟君  
德咸禮智才兼文雅學比山成辨同河瀉明經擢秀光  
朝振野調逸許中聲高洛下含潘度陸超終邁賈二儀  
既肇判合始分簡賢依德乃隸夫君外治徒舉內佐無  
聞幸移蓬性頗習蘭薰式傳琴瑟相酬典墳輔仁難驗  
神情易促雹碎春紅霜凋夏綠躬奉正衾親觀啟足一  
見無期百身何贖嗚呼哀哉生死雖殊情親猶一敢遵  
先好手調薑橘素俎空乾奠觴徒溢昔奉齊齋異於今

文一

祭文

七

日從軍暫別且思樓中薄游未反尙比飛蓬如當永訣  
永痛無窮百年何幾泉穴方同

裁文類聚  
三十八



